

SOLUSI

PANDUAN
HIDUP
BERSYARIAT

WSS

2012 | PP 15048/05/2013 (032162) |

• MOTIVASI • FARDU AIN •

ISU No.

45

Bukan Babu, Bukan Ratu

Jika ada suruhan Nabi s.a.w. agar isteri dilayan bak ratu, sudah pasti yang lebih layak menerimanya itu ialah para isteri, anakanda Nabi dan isteri para sahabat. Namun jelas dalam sejarah, para wanita solehah ini tetap melakukan kerja-kerja rumah sehingga Fatimah r.h.a. datang mengadu kesukarannya, lalu Nabi s.a.w. memujuk dengan memberi zikir penguat jiwa.

Andai suami sudah bermandi peluh dan keringat serta memerah minda dan fizikal untuk mencari nafkah keluarga, apa salahnya isteri membantu menyelesaikan tugas rumah tangga.

Selanjutnya di hlm. 52-53

> Ada Syurga
dalam Hati

hlm. 28

> VIP yang Mendapat
Naungan Allah

hlm. 12

> Pewaris al-Quran

hlm. 67



Imbas kod
untuk ke
Facebook
Majalah
Solusi

Pemimpin seperti Muhammad al-Fatih tidak selalu muncul di persada sejarah dan hanya sekali-sekala. Kemunculannya bukan secara kebetulan, tetapi diawali dan didasari oleh satu perancangan yang rapi.

MEMILIH AL-FATIH



ISSN 1985-5400



>
45

RM 10.00 (SEM)
RM 12.00 (S/S)
SGD 7.50
BND 7.50
USD 10.00
EUR 8.00
IDR 35,000.00
AUD 7.50

AB
AUDIT BUREAU OF CIRCULATIONS
(Incorporated in Malaysia)

9 771985 540003

TELAGA BIRU SDN. BHD.

Pengajian Sistem Kewangan Islam

1. Adakah sistem kewangan Islam melalui perbankan Islam hari ini dapat menarik perhatian dunia sehingga mampu menaikkan imej Islam?

2. Adakah sistem kewangan Islam yang wujud pada hari ini berjaya menarik minat universiti di dunia sehingga mereka membuat kajian atau apa-apa yang berkaitan dengannya?

3. Di manakah seseorang itu boleh menyambung pengajian dalam bidang kewangan Islam?

Jawapan: Alhamdulillah, sistem kewangan Islam telah mendapat sambutan yang sangat baik di seluruh dunia termasuk Amerika Syarikat (AS) dan di negara-negara Barat sehingga meningkatkan permintaan kepada modal insan bagi memenuhi pasaran kewangan Islam.

Zulkifli Hasan dalam artikelnya bertajuk *Kewangan Islam di Universiti Dunia* merumuskan tentang kewangan Islam di beberapa buah negara di dunia. Di AS, syarikat perunding cara AT Kearney meramalkan sekurang-kurangnya 30,000 orang profesional kewangan Islam bakal diperlukan di Asia Barat dalam tempoh 10 tahun nanti. Di Malaysia sahaja, dijangka seramai 8,600 orang tenaga profesional diperlukan dan seramai 2,000 orang profesional lagi diperlukan dalam sektor insurans Islam pada tahun 2012. Berdasar-

kan fenomena memberangsangkan ini, institusi pengajian tinggi terkemuka mula mengorak langkah menawarkan program kewangan Islam pada peringkat siswazah dan sarjana.

Di Britain, pelbagai inisiatif dilaksanakan oleh universiti-universiti berprestij termasuk di Oxford. Di Amerika, Universiti Harvard telah melancarkan *Projek Kewangan Islam (Islamic Finance Project)* sebagai sebahagian daripada program pengajian Islam di Harvard Law School.

Di Perancis, Universiti Strasbourg menawarkan program kewangan Islam di peringkat sarjana. Ini bertepatan dengan potensi besar pasaran kewangan Islam di Perancis dengan bilangan Muslim yang mencapai lebih enam juta orang.

Itali yang terkenal dengan Vatican City juga tidak ketinggalan melaksanakan kewangan Islam. Kolej Universiti Antarabangsa Turin misalnya, menawarkan program sarjana undang-undang perbandingan, ekonomi dan kewangan dengan memasukkan beberapa subjek khusus berkenaan undang-undang dan kewangan Islam.

Sementara di Jepun, dana khas untuk pembangunan kewangan Islam diperuntukkan bagi universiti berprestij seperti Universiti Kyoto, Tokyo dan Waseda dipilih sebagai institusi penyelidikan untuk tujuan itu.

Di Malaysia, institusi pengajian tinggi tempatan telah lama menawarkan program kewangan Islam di peringkat prasiswazah

dan sarjana. Program kewangan Islam yang ditawarkan di universiti terkemuka dunia menuntut universiti tempatan mencari *niche* (peluang) tersendiri dan mengenal pasti kekuatan program yang ditawarkan. Fenomena ini bukan dilihat sebagai sebuah persaingan, tetapi peluang kepada universiti tempatan untuk mereka potensi usaha sama dengan universiti terkemuka dunia. Kelebihan yang dimiliki oleh universiti tempatan berdasarkan faktor suasana industri kewangan Islam di Malaysia yang agak terkedepan boleh membantu dalam proses pembangunan dan perkembangan akademik dalam bidang ini.

Secara umumnya, faktor perkembangan pesat industri kewangan Islam dan krisis kewangan global merangsang dan menarik perhatian universiti terkemuka dunia untuk menawarkan program akademik berkaitan kewangan Islam.

Universiti tempatan juga perlu seiring dengan universiti terkemuka dunia untuk bersama menyediakan modal insan yang mahir dan berkepakaran dalam bidang ini. Ia bertujuan memenuhi keperluan semasa dan akan datang sektor kewangan Islam. Potensi yang dijanjikan oleh sektor kewangan Islam amat besar dan peluang ini seharusnya diambil dengan sebaik-baiknya oleh institusi pengajian tinggi di Malaysia.

Berikut adalah antara institusi pengajian tinggi yang menawarkan kursus kewangan dan perbankan Islam di Malaysia dan di beberapa negara lain di dunia:

Universiti	Fakulti	Bidang Kewangan Islam
Malaysia		
Universiti Islam Antarabangsa Malaysia	Kulliyah of Economics and Management Sciences Institute of Islamic Banking and Finance Kulliyah of Islamic Revealed Knowledge and Human Sciences	BSc. in Islamic Banking and Finance, MSc. in Finance MSc and PhD in Islamic Finance MSc and PhD in Islamic Law (Islamic Finance)
Universiti Utara Malaysia	College of Business	MSc Islamic Banking, MSc Islamic Finance
Universiti Tun Abdul Razak	Bank Rakyat School of Business and Entrepreneurship	BBA (Islamic Financial Planning, Islamic Banking and Finance), MBA Global Islamic Finance
Universiti Putra Malaysia	Fakulti Ekonomi dan Pengurusan	Kursus elektif
Universiti Kebangsaan Malaysia	Graduate School of Business	Kursus teras dan elektif
Universiti Malaya	Akademi Pengajian Islam	Syariah dan Ekonomi
Universiti Teknologi MARA	Fakulti Pengurusan Perniagaan	Ijazah Perbankan Islam
Universiti Sains Islam Malaysia	Fakulti Ekonomi dan Muamalat	Sarjana Pentadbiran Muamalat, Sarjana Pentadbiran Muamalat (Produk Halal), Sarjana Muda Pentadbiran Muamalat dengan Kepujian

Kolej Universiti Islam Antarabangsa Selangor	Fakulti Pengurusan dan Muamalah	Diploma (Perbankan Islam, Perancangan Kewangan Islam), Sarjana Muda (Kewangan Islam (Perbankan, Pasaran Modal, Takaful))
Kolej Universiti Insaniah	Kulliyah Muamalat	Masters and PhD in Banking and Islamic Finance, Degree in BA (Banking and Islamic Finance), Diploma in Islamic Banking
Kolej Universiti Islam Melaka	Akademi Pengajian Islam	Diploma Kewangan Syariah
Saudi Arabia		
Al-Yamamah University		Kursus elektif
College of Business Administration	College of Business Administration (CBA)	Classes in Islamic Culture and Ethics
Indonesia		
IPMI Business School	Indonesia Institute for Management Development	Kursus elektif
Airlangga University	Faculty of Economy and Business	Islamic Economics Study Program Master in Islamic Business (in process) Doctoral in Islamic Economics
Bandung Institute of Technology	School of Business and Management Kursus elektif	Kursus elektif
United Arab Emirates		
United Arab Emirates University (UAEU)	Faculty of Business and Economics	Kursus elektif
Pakistan		
Kasbit University	KASBIT University	MBA Islamic Banking
Institute of Business Management (IoBM)	College of Business Management	Classes in Islamic Culture and Ethics
University of Management and Technology	School of Business and Economics	Kursus elektif
Institute of Business Administration	Institute of Business Administration	Kursus elektif
Kuwait		
Kuwait University	College of Business Administration	Higher Diploma in Islamic Finance Program
Gulf University for Science and Technology	College of Business Administration	Kursus elektif
Jordan		
Yarmouk University	Kulliyah al-Shari'ah wa al-Dirasat al-Islamiah	Islamic Economics and Banking
Jordan University	Faculty of Shariah	Islamic Banking
United Kingdom		
University of Durham	School of Government and International Affairs	Ph.D in Islamic Banking and Finance MSc in Islamic Finance
Markfield Institute of Higher Education		MA in Islamic Finance, Banking and Management
New Castle University	Law LLM	MSc in Law and Islamic Finance
Aston University	Aston Business School	MSc in Islamic Finance
Bangor University	Bangor Business School	MBA in Islamic Finance and Banking
East London University	The Royal Docks Business School	MSc in Islamic Finance
Reading University	International Capital Market Association	MSc in Islamic Finance
Loughborough University		PhD in Islamic Banking and Finance
City University of London	Cass Business School	Islamic Finance
Lancester University	Lancester University Management School	PhD Islamic Banking and Finance
Salford University	Salford Business School	MSc Islamic Banking and Finance

Inilah antara pencapaian *maqasid* dalam sistem muamalat Islam di Malaysia dan di seluruh dunia. Atas kesedaran memelihara akal dan intelek umat Islam, sistem muamalat ini telah menjadi antara platform penting dalam melahirkan cendekiawan dan intelektual yang mahir dan

menjadi rujukan di Malaysia khususnya serta di serata dunia amnya. Ini merupakan pencapaian yang baik bagi umat Islam yang tidak hanya memfokuskan kepada amal ibadat khusus bagi mendapatkan ganjaran pahala, bahkan dapat menghasilkan kesinambungan ganjaran pahala

di dunia dan akhirat dengan menyebarkan ilmu bermanfaat yang diamalkan. 

Rujukan:

1. <http://www.ameinfo.com/106063.html>
2. Zulkifli Hasan, *Kewangan Islam di Universiti Dunia*.